



Tulong Mula Sa Langit

Sinipi ni Watson Goodman

Walang bayad—
Hindi ipinagbibili

TULONG MULA SA LANGIT

Ang babasahing ito ay binubuo ng mga talata mula sa Biblia tungkol sa iba't ibang paksa. Ako'y naniniwalang ang Biblia na rin ang pinakamahusay na tagapagpaliwanag ng Salita ng Diyos.

Ang Biblia, na Salita ng Diyos, ay tunay na sa Langit nanggaling, at nakatutulong nang malaki sa sinumang nauuhaw sa kabanalan. Kung ang tao'y tatalikod sa kasalanan at taus-pusong magpapasakop kay Jesus bilang Panginoon at Tagapagligtas, magpapakahayag sa kanya ang Panginoon, at bibigyan siya Nito ng kagalakan at kapayapaan sa kanyang puso.

Ganyan ang naranasan ko noong taóng 1937. Mula noon ay nagkaroon na ako ng matamis na pakikisama sa Panginoon. Magpasakop ka na sa Kanya **NGAYON** bilang iyong Panginoon at Tagapagligtas.

—Watson Goodman (1920-2002)

Scripture texts are taken from the *Magandang Balita Biblia*, © 2012 Philippine Bible Society. Used with permission. All rights reserved.

Ang mga talata sa babasahing ito ay mula sa *Magandang Balita Biblia*, © 2012 ng Philippine Bible Society. Ginamit nang may pahintulot. *All rights reserved.*

ANG PAG-IBIG NG DIYOS

1

Ngunit pinatunayan ng Diyos ang kanyang pag-ibig sa atin nang mamatay si Cristo para sa atin noong tayo'y makasalanan pa. —Roma 5:8

“Ang pinakadakilang pag-ibig na maaaring taglayin ng sinuman para sa kanyang mga kaibigan ay ang ialay ang kanyang buhay para sa kanila.” —Juan 15:13

“Sapagkat gayon na lamang ang pag-ibig ng Diyos sa sangkatauhan, kaya't ibinigay niya ang kanyang kaisa-isang Anak, upang ang sinumang sumam-



palataya sa kanya ay hindi mapahamak, kundi magkaroon ng buhay na walang hanggan.”

—Juan 3:16

“Napakita ako sa kanila mula sa malayo; sa simula pa'y inibig ko na sila kaya patuloy akong magiging tapat sa kanila.”

—Jeremias 31:3

...Jesu-Cristo, ang tapat na saksi, ang panganay sa mga binuhay mula sa kamatayan, at ang pinuno ng mga hari sa lupa. Iniibig niya tayo, at sa pamamagitan ng kanyang dugo ay pinalaya niya tayo sa ating mga kasalanan.

—Pahayag 1:5

2

ANG PAGKA-DIYOS NI CRISTO

Nangyari nga ang lahat ng ito upang matupad ang sinabi ng Panginoon sa pamamagitan ng propeta, “Maglilihi ang isang birhen at magsisilang ng isang sanggol na lalaki, at tatawagin itong Emmanuel” (ang kahulugan nito’y “Kasama natin ang Diyos”). —Mateo 1:22, 23

Sumagot si Jesus, “Kay tagal na ninyo akong kasama, hanggang ngayo’y hindi mo pa ako kilala, Felipe? Ang nakakita sa akin ay nakakita na sa Ama. Bakit mo sinasabing ‘Ipakita mo sa amin ang Ama’? Hindi ka ba

naniniwalang ako’y nasa Ama at ang Ama ay nasa akin? Hindi sa akin galing ang sinasabi ko sa inyo. Ngunit ang Ama na nananatili sa akin ang siyang gumaganap ng kanyang gawain.”

—Juan 14:9, 10

“Ako at ang Ama ay iisa.”

—Juan 10:30

Nang pasimula ay naroon na ang Salita; ang Salita ay kasama ng Diyos, at ang Salita ay Diyos. Naging tao ang Salita at nanirahan sa piling namin.... Siya ay puspos ng kagandahang-loob at ng katotohanan. —Juan 1:1, 14

SI JESUS ANG ANAK NG DIYOS

3

Ang nagpapahayag na si Jesus ang Anak ng Diyos ay nananatili sa Diyos, at ang Diyos nama'y nananatili sa kanya.

—1 Juan 4:15

Sumagot ang anghel, “Sasaiyo ang Espiritu Santo at mapapasailalim ka sa kapangyarihan ng Kataas-taasang Diyos. Dahil dito, ang isisilang mo'y banal at tatawaging Anak ng Diyos.” —Lucas 1:35



Sapagkat ang buong kalikasan ng Diyos ay na kay Cristo sa

kanyang pagiging tao.

—Colosas 2:9

Habang nagsasalita pa si Pedro, nililiman sila ng napakaliwanag na ulap. Mula rito'y may tinig na nagsabi, “Ito ang minamahal kong Anak na lubos kong kinalulugdan. Pakinggan ninyo siya!”

—Mateo 17:5

Sapagkat isinilang ang isang sanggol na lalaki para sa atin. Ibibigay sa kanya ang pamamahala; at siya ay tatawaging Kahanga-hangang Tagapayo, Makapangyarihang Diyos, Walang Hanggang Ama, Prinsipe ng Kapayapaan.

—Isaias 9:6

4 SINABI NI JESUS KUNG SINO SIYA

Kaya't sinabi ni Jesus, "Kayo'y mula dito sa ibaba, ako'y mula sa itaas. Kayo'y taga-sanlibutang ito, ngunit ako'y hindi. Sumagot si Jesus, "Pakatandaan ninyo: bago pa ipinanganak si Abraham, 'Ako ay Ako Na'."

—Juan 8:23, 58

"Habang ako'y nasa sanlibutan, ako ang ilaw ng sanlibutan."

—Juan 9:5

Sumagot si Jesus, "Ako ang daan, ang katotohanan, at ang buhay. Walang makakapunta sa Ama kundi sa pamamagitan ko."

—Juan 14:6

"Tinatawag ninyo akong Guro at Panginoon, at tama kayo, sapagkat ganoon nga ako."

—Juan 13:13

Sinabi sa kanya ni Jesus, "Ako ang muling pagkabuhay at ang buhay. Ang sinumang sumasampalataya sa akin, kahit mamatay ay muling mabubuhay."

—Juan 11:25

Sinabi ni Jesus, "Ako ang tinapay ng buhay. Ang lumalapit sa akin ay hindi na magugutom kailanman, at ang sumasampalataya sa akin ay hindi na mauuhaw kailanman. —Juan 6:35

ILANG HIMALANG GINAWA NI JESUS

5

...Sinabi niya kay Simon, “Pumalaot kayo at ihulog ang mga lambat upang manghuli.” Sumagot si Simon, “Guro, magdamag po kaming nagpagod ngunit wala kaming nahuli! Ngunit dahil sa sinabi ninyo, ihuhulog ko ang mga lambat.” Ganoon nga ang ginawa nila, at nakahuli sila ng maraming isda.... —Lucas 5:4-6

Doon ay may dalawang bulag na nakaupo sa tabi ng daan. Nang marinig nilang dumaraan si Jesus, sila’y nagsisigaw, “Panginoon, Anak ni David, mahabag po kayo sa amin!” [Tinanong

sila ni Jesus,] “Ano ang gusto ninyong gawin ko sa inyo?” Sumagot sila, “Panginoon, gusto po naming makakita!” Nahabag si Jesus sa kanila at hinipo ang kanilang mga mata. Agad silang nakakita, at sila’y sumunod sa kanya. —Mateo 20:30, 32-34

Nakita niya ang isang puno ng igos sa tabi ng daan at nilapitan iyon. Wala siyang nakitang bunga kundi mga dahon lamang. Kaya’t sinabi niya dito, “Hindi ka na mamumunga kailanman!” Agad na natuyo ang puno.

—Mateo 21:19

6 SI CRISTO'Y MANLIKHA AT PANGINOON

Sapagkat si Cristo ay namatay at muling nabuhay upang maging Panginoon ng mga patay at ng mga buháy. —Roma 14:9

Sapagkat sa pamamagitan niya ay nilikha ang lahat ng nasa langit at nasa lupa, nakikita man o hindi, pati ang mga espirituwal na kapangyarihan, paghahari, pamamahala, at pamumuno. Ang lahat ay nilikha ng Diyos sa pamamagitan niya at para sa kanya.

—Colosas 1:16

Ngunit sa mga huling araw na ito, siya'y nagsalita sa atin sa

pamamagitan ng kanyang Anak. Sa pamamagitan ng Anak ay nilikha ng Diyos ang sanlibutan, at siya ang piniling tagapagmana ng lahat ng bagay. —Hebreo 1:2

“Kaya't dapat malaman ng buong Israel na itong si Jesus na ipinako ninyo sa krus ay siyang ginawa ng Diyos na Panginoon at Cristo!” —Mga Gawa 2:36

Nilikha ang lahat ng bagay sa pamamagitan niya, at walang anumang nalikha nang hindi sa pamamagitan niya. —Juan 1:3

SI CRISTO ANG TANGING MANUNUBOS

7

Sumagot si Jesus, “Ako ang daan, ang katotohanan, at ang buhay. Walang makakapunta sa Ama kundi sa pamamagitan ko.”

—Juan 14:6

...Lubusan niyang maililigtas ang lahat ng lumalapit sa Diyos sa pamamagitan niya, sapagkat siya’y nabubuhay magpakailanman upang mamagitan para sa kanila.

—Hebreo 7:25

“Ako ang pintuan. Ang sinumang pumapasok sa pamamagitan ko’y maliligtas....”

—Juan 10:9

[Dahil sa pagmamahal ni Cristo] sa atin, inialay niya ang kanyang

buhay bilang mabangong alay at handog sa Diyos.

—Efeso 5:2

...“Ikaw ang karapat-dapat na kumuha sa kasulatang nakabalumbon at magtanggali sa mga selyo niyon. Sapagkat pinatay ka, at sa pamamagitan ng iyong dugo ay tinubos mo ang mga tao para sa Diyos, mula sa bawat lahi, wika, bayan at bansa.”

—Pahayag 5:9

Na naghandog ng kanyang sarili upang palayain tayo sa lahat ng kasamaan at linisin tayo upang maging kanyang sariling bayan na masigasig sa paggawa ng mabuti.

—Tito 2:14

8 SI CRISTO ANG TANGING MANUNUBOS

Sa kanya nagmula ang buhay na taglay ninyo dahil sa pakikipag-isa ninyo kay Cristo Jesus na siyang ginawang karunungan natin. Sa pamamagitan din niya, tayo'y itinuring na matuwid, ginawang banal at iniligtas ng Diyos.
—1 Corinto 1:30

“Sa kanya lamang matatagpuan ang kaligtasan, sapagkat walang ibang pangalan sa buong daigdig na ibinigay ng Diyos sa mga tao upang tayo ay maligtas.”
—Mga Gawa 4:12

Iniligtas niya tayo sa kapangyarihan ng kadiliman at inilipat sa

kaharian ng kanyang minamahal na Anak. Sa pamamagitan niya ay napalaya tayo, samakatuwid ay pinatawad ang ating mga kasalanan [sa pamamagitan ng kanyang dugo]. —Colosas 1:13-14

Ngunit dahil sa kanyang kagan dahang-loob na walang bayad niyang ibinigay, sila ay itinuring na matuwid sa pamamagitan ni Cristo Jesus na siyang nagpapalaya sa kanila.
—Roma 3:24

...Siya ang naging sanhi upang magkamit ng walang hanggang kaligtasan ang lahat ng mga masunurin sa kanya. —Hebreo 5:9

SI CRISTO ANG HUKOM NG LAHAT

9

Ngunit ikaw, bakit mo hinahatulan ang iyong kapatid? At ikaw naman, bakit mo hinahamak ang iyong kapatid? Tayong lahat ay haharap sa hukuman ng Diyos.

—Roma 14:10

...Cristo Jesus na hahatol sa mga buháy at sa mga patay....

—2 Timoteo 4:1

Tipunin sa harapan niya ang lahat ng mga bansa at sila'y kanyang pagbubukud-bukurin, tulad ng ginagawa ng pastol sa mga tupa at mga kambing.

—Mateo 25:32

Inatasan niya kaming mangaral sa mga tao at magpatotoo na siya ang itinalaga ng Diyos na maging hukom ng mga buháy at mga patay. —Mga Gawa 10:42

Hindi humahatol kaninuman ang Ama, sa halip ay ibinigay na niya sa Anak ang buong kapang-yarihang humatol. —Juan 5:22

Ayon sa Magandang Balitang aking ipinapangaral, gayon ang mangyayari sa Araw na ang mga lihim ng mga tao'y hahatulan ng Diyos sa pamamagitan ni Cristo Jesus. —Roma 2:16

10 **LIGTAS DAHIL SA DUGO NI CRISTO**

Yamang sa pamamagitan ng kanyang dugo, tayo ngayon ay napawalang-sala, lalong tiyak na maliligtas tayo sa poot ng Diyos.
—Roma 5:9

Tinubos tayo ni Cristo sa pamamagitan ng kanyang dugo at pinatawad ang ating mga kasalanan....
—Efeso 1:7

...Kung namumuhay tayo sa liwanag, gaya niya na nasa liwanag, tayo'y nagkakaisa at ang lahat ng ating kasalanan ay nililinis ng dugo ni Jesus na kanyang Anak.
—1 Juan 1:7

“Sapagkat ito ang aking dugo na katibayan ng tipan ng Diyos. Ito ang aking dugong ibinubuhos para sa kapatawaran ng kasalanan ng marami.” —Mateo 26:28

...Tinubos kayo...sa pamamagitan ng mahalagang dugo ni Cristo. Siya'y tulad ng korderong walang dungis at kapintasan.
—1 Pedro 1:18, 19

...Ang...dugo ni Cristo...ang lumilinis sa ating mga budhi sa mga gawang walang kabuluhan upang tayo'y makapaglingkod sa Diyos na buháy.
—Hebreo 9:14

LIGTAS, SA PAGPAPASAKOP KAY CRISTO 11

Ngunit ang mga nakasulat dito ay isinulat upang kayo'y sumampalataya na si Jesus ang Cristo, ang Anak ng Diyos, at sa pag-sampalatayang iyon ay magkaroon kayo ng buhay sa pamamagitan niya. —Juan 20:31

Sapagkat dahil sa kagandahang-loob ng Diyos kayo ay naligtas sa pamamagitan ng pananampalataya; at ito'y kaloob ng Diyos at hindi mula sa inyong sarili. Efeso 2:8

Sapagkat napawalang-sala na tayo sa pamamagitan ng ating

pananampalataya, mayroon na tayong mapayapang ugnayan sa Diyos sa pamamagitan ng ating Panginoong Jesu-Cristo.

—Roma 5:1

...“Sumampalataya ka sa Panginoong Jesus, at maliligtas ka....”

—Mga Gawa 16:31

“Pakatandaan ninyo: ang nakinig sa aking salita at sumasampalataya sa nagsugo sa akin ay may buhay na walang hanggan. Hindi na siya hahatulan kundi nakatawid na siya sa buhay mula sa kamatayan.” —Juan 5:24

Purihin natin ang Diyos...ang Ama ng kahabagan at Diyos na pinagmumulan ng lahat ng kaaliwan. —2 Corinto 1:3

Wala nang ibang diyos na tulad mo, O Yahweh. Pinapatawad mo ang mga kasalanan.... Hindi nananatili ang iyong galit magpakailanman. Sa halip ay ipinadarama mo sa kanila ang tapat mong pag-ibig. —Mikas 7:18

Ang agwat ng lupa't langit, sukatin ma'y hindi kaya, gayon ang pag-ibig ng Diyos, sa may takot sa kanya.... Ngunit ang pag-ibig ni Yahweh ay tunay na walang hanggan, sa sinuman na sa kan-

ya'y may takot at pagmamahal; ang matuwid niyang gawa ay wala ring katapusan.

—Awit 103:11, 17

Iniligtas niya tayo, hindi dahil sa ating mabubuting gawa kundi dahil sa kanyang habag sa atin. Tayo'y iniligtas niya sa pamamagitan ng Espiritu Santo na naghugas sa atin upang tayo'y ipanganak na muli at magkaroon ng bagong buhay. —Tito 3:5

Pag-ibig mong walang maliw ay abot sa kalangitan, nadarama sa itaas ang lubos mong katapatan. —Awit 108:4

ANG PAANYAYA NI CRISTO

13

“Halikayo at tayo’y magpaliwanagan,” sabi ni Yahweh. “Gaano man kapula ang inyong mga kasalanan, kayo’y aking papuputiin, tulad ng yelo o bulak.”

—Isaias 1:18

Sinasabi ng Espiritu at ng babaing ikakasal, “Halikayo!” Lahat ng nakakarinig nito ay magsabi rin, “Halikayo!” Lumapit ang sinumang nauuhaw; kumuha ang may gusto ng tubig na nagbibigay-buhay; ito’y walang bayad.

—Pahayag 22:17

Sa kahuli-hulihan at pinakatangiang araw ng pista, Tumayo

si Jesus at nagsalita nang malakas, “Kayong mga nauuhaw ay lumapit sa akin at uminom.”

—Juan 7:37

“Lumapit kayo sa akin, kayong lahat na nahihirapan at lubhang nabibigatan sa inyong pasanin, at kayo’y bibigyan ko ng kapa-hingahan.”

—Mateo 11:28

[Nang makita ni Jesus, Kanyang sinabi] “Hayaan ninyong lumapit sa akin ang mga bata, at huwag ninyo silang pagbawalan, sapa-gkat ang mga katulad nila ang mapapabilang sa kaharian ng Diyos.”

—Marcos 10:14

14 HINDI LAHAT NG TAO'Y ANAK NG DIYOS

Dito natin makikilala kung sino ang mga anak ng Diyos at kung sino ang mga anak ng diyablo: ang sinumang hindi gumagawa ng ayon sa kalooban ng Diyos at hindi umiibig sa kanyang kapatid ay hindi anak ng Diyos.

—1 Juan 3:10

Ang lahat ng pinapatnubayan ng Espiritu ng Diyos ay mga anak ng Diyos. Sapagkat hindi espiritu ng pagkaalipin ang inyong tinanggap upang kayo'y mamuhay sa takot. Sa halip, ang inyong tinanggap ay ang Espiritu ng pagkukop upang kayo'y gawing mga anak ng Diyos, kaya

tayo'y tumatawag sa kanya ng, "Ama, Ama ko!" —Roma 8:14, 15

Subalit ang lahat ng tumanggap at sumampalataya sa kanya ay binigyan niya ng karapatang maging mga anak ng Diyos.

—Juan 1:12

"Kaya't lumayo kayo sa kanila, humiwalay kayo sa kanila," sabi ng Panginoon. "Iwasan ninyo ang anumang marumi, at tatanggapin ko kayo. Ako ang magiging ama ninyo, at kayo'y magiging mga anak ko," sabi ng Panginoong Makapangyarihan sa lahat."

—2 Corinto 6:17, 18

ANG SINASABI NG DIYOS TUNGKOL SA ALAK 15

Subalit ang bunga ng Espiritu ay pag-ibig, kagalakan, kapayapaan, pagtitiyaga, kabaitan, kabutihan, katapatan, kahinahunan, at pagpipigil sa sarili. Walang batas laban sa mga ganito.

—Galacia 5:22, 23

Ang alak ay nagpapababa sa dangal ng isang tao, kaya isang kamangmangan ang magpakalulong dito.

—Kawikaan 20:1

Mamuhay tayo sa liwanag at huwag gugulin ang panahon sa magulong pagsasaya at paglasing, kahalayan at kalaswaan, sa alitan at inggitan. Gawin nin-

yo ang Panginoong Jesu-Cristo bilang sandata at huwag ninyong pagbigyan ang laman upang masunod ang mga hilig nito.

—Roma 13:13, 14

Huwag mong tutunggain ang matapang na alak kahit ito'y katakam-takam, sapagkat kinaumagahan ay daig mo pa ang tinuklaw ng ahas na makamandag.

—Kawikaan 23:31, 32

Kawawa ang maaagang bu-mangon na nagmamadali upang makipag-inuman; inaabot sila ng hatinggabi hanggang sa malasing!

—Isaias 5:11

16 HINDI SAPAT ANG PANINIWALANG TAPAT

Sumagot si Jesus, “Ibigin mo ang Panginoon mong Diyos nang buong puso mo, buong kaluluwa mo, at buong pag-iisip mo.”
—Mateo 22:37

...Isang lalaki... [ang] nagtanggong, “Mabuting Guro, ano po ba ang dapat kong gawin upang makamtan ko ang buhay na walang hanggan?” Sumagot si Jesus, “Bakit mo ako tinatawag na mabuti? Walang mabuti kundi ang Diyos lamang. Alam mo ang mga utos ng Diyos, ‘Huwag kang papatay; huwag kang mangangalunya; huwag kang magnanakaw;

huwag kang sasaksi nang walang katotohanan; huwag kang mandaraya; igalang mo ang iyong ama at ina.’” Sumagot ang lalaki, “Guro, mula pa sa aking pagkabata ay tinupad ko na ang lahat ng mga iyan.” Magiliw siyang tiningnan ni Jesus at sinabi, “May isang bagay pa na dapat mong gawin. Ipagbili mo ang iyong mga ari-arian at ipamigay mo sa mahihirap,...at sumunod ka sa akin.” Nang marinig ito ng lalaki, siya’y nanlumo at malungkot na umalis sapagkat siya’y lubhang napakayaman.

—Marcos 10:17-22

HUWAG KAYONG MAGPAPADAYA

17

Huwag ninyong linlangin ang inyong sarili; hindi maaaring tuyain ang Diyos. Kung ano ang itinanim ng tao, iyon din ang kanyang aanihin. —Galacia 6:7

...Huwag kayong palinlang kani-
numan! Ang sinumang gumagawa ng matuwid ay matuwid tulad ni Cristo. Ang nagpapatuloy sa pagkakasala ay kampon ng diyablo, sapagkat sa simula pa'y nagkakasala na ang diyablo....

—1 Juan 3:7, 8

Hindi ba ninyo alam na ang mga makasalanan ay walang bahagi

sa kaharian ng Diyos? Huwag ninyong dayain ang inyong sarili! Ang mga nakikiapid, sumasamba sa diyus-diyosan, nangangalunya, nakikipagtalik sa kapwa lalaki o kapwa babae, nagnanakaw, sakim, naglalasing, nanlalait ng kapwa, o nandaraya, ay walang bahagi sa kaharian ng Diyos.

—1 Corinto 6:9, 10

Huwag kayong padaya kani-
numan sa pamamagitan ng mga pangangatuwirang walang kabuluhan, sapagkat dahil nga sa mga ito, ang Diyos ay napopoot sa mga suwail. —Efeso 5:6

18 KAMATAYAN ANG BUNGA NG KASALANAN

Ang kasalanan ay pumasok sa sanlibutan sa pamamagitan ng isang tao, at ang kamatayan ay pumasok sa pamamagitan ng kasalanan. Dahil dito, lumaganap ang kamatayan sa lahat ng tao sapagkat ang lahat ay nagkasala. —Roma 5:12

Ang pagsunod sa hilig ng laman ay naghahatid sa kamatayan, ngunit ang pagsunod sa Espiritu ay nagdudulot ng buhay at kapayapaan. Kaya nga, kapag itinutuon ng tao ang kanyang pag-iisip sa mga hilig ng laman, siya'y nagiging kaaway ng Diyos sapagkat hindi siya nagpapasa-

kop sa batas ng Diyos, at sadyang hindi niya ito magagawa.

—Taga-Roma 8:6, 7

At ang pagnanasa kapag naitanim sa puso ay nagbubunga ng kasalanan; at ang kasalanan, sa hustong gulang ay nagbubunga ng kamatayan. —Santiago 1:15

Ang taong nasa matuwid ay makasusumpong ng buhay, ngunit ang landas ng masama ay patungo sa kamatayan.

—Kawikaan 11:19

Sapagkat kamatayan ang kabayaran ng kasalanan....

—Roma 6:23

NAGTAGUMPAY SI CRISTO SA KAMATAYAN 19

Pinatunayan ng Banal na Espiritu na siya ay Anak ng Diyos sa pamamagitan ng isang makapangyarihang gawa, ang kanyang muling pagkabuhay.

—Roma 1:4

Nilapitan niya at hinipo ang kaibaong at tumigil ang mga may pasan nito. Sinabi niya, “Binata, sinasabi ko sa iyo, bumangon ka!” Bumangon ang patay at nagsalita.... —Lucas 7:14, 15

Pagkasabi nito ay sumigaw siya, “Lazaro, lumabas ka!” Lumabas nga si Lazaro na nababalot ng telang panlibing ang mga ka-

may at paa; may nakabalot ding tela sa mukha niya. Inutos ni Jesus sa kanila, “Kalagan ninyo siya at nang makalakad siya.”

—Juan 11:43, 44

“Dahil dito’y minamahal ako ng Ama, sapagkat iniaalay ko ang aking buhay upang ito’y kunin kong muli. Walang makakakuha ng aking buhay; kusa ko itong ibinibigay. Mayroon akong kapangyarihang ibigay ito at mayroon akong kapangyarihang kunin itong muli. Ang utos na ito’y tinanggap ko mula sa aking Ama.” —Juan 10:17, 18

“Huwag kang sasamba sa ibang diyos, maliban sa akin.

“Huwag kang gagawa ng diyus-diyosang imahen ng anumang nilalang na nasa langit, nasa lupa, o nasa tubig upang sambahin. Huwag mo silang yuyukuran ni sasambahin....

“Huwag mong gagamitin sa walang kabuluhan ang pangalan ni Yahweh na iyong Diyos. Tiyak na paparusahan ko ang gumamit nito nang walang kabuluhan.

“Ilaan mo para sa akin ang Araw ng Pamamahinga, tulad ng ipinag-uutos ni Yahweh na iyong Diyos. Anim na araw kang mag-

tatrabaho, at tapusin mo ang dapat gawin....

“Igalang mo ang iyong ama at ina tulad ng iniutos ko sa iyo....

“Huwag kang papatay.

“Huwag kang mangangalunya.

“Huwag kang magnanakaw.

“Huwag kang sasaksi nang walang katotohanan laban sa iyong kapwa.

“Huwag mong pagnanasaang maangkin ang asawa ng iyong kapwa. Huwag mong pagnanasaang maangkin ang kanyang sambahayan, bukid, alilang lalaki o babae, baka, asno o anumang pag-aari niya.” —Deuteronomio 5:7-22

HINDI KA MAKAPAGTATAGO SA DIYOS

21

“Walang makakapagtago sa akin; makikita ko siya kahit saan siya pumunta. Sapagkat Ako’y nasa lahat ng lugar sa langit at sa lupa.” —Jeremias 23:24

Saan ako magpupunta, upang ako’y makatakas? Sa iyo bang Espiritu, ako ba’y makakaiwas? Kung langit ang puntahan ko, tiyak na naroroon ka, sa daig-



dig ng mga patay, humimlay man ako’y ikaw din ang kasama;... maging itong kadiliman sa iyo ay hindi dilim,

at sa iyo yaong gabi’y parang araw na maningning, madilim ma’t maliwanag, sa iyo ay pareho rin. —Awit 139:7, 8, 12

Ang paningin ni Yahweh ay nakatuon sa lahat ng lugar, ang masama at mabuti ay pawang minamasdan. —Kawikaan 15:3

Walang nilalang na makakapagtago sa Diyos; ang lahat ay hayag at lantad sa kanyang paningin, at sa kanya tayo magsusulit ng ating mga sarili.

—Hebreo 4:13

22 ANG WALANG HANGGANG KAPARUSAHAN

Ipag-uutos ng Anak ng Tao sa kanyang mga anghel na tipunin nila mula sa kanyang kaharian ang lahat ng nagiging sanhi ng pagkakasala at ang lahat ng gumagawa ng masama. Ihahagis nila ang mga ito sa lumalagablab na pugon at doon ay mananangis sila at magngangalit ang kanilang mga ngipin.

—Mateo 13:41, 42

“Itataboy ang mga ito sa kaparusahang walang hanggan, ngunit ang mga matuwid ay pupunta sa buhay na walang hanggan.”

—Mateo 25:46

Sa pamamagitan din ng salitang iyon ay nananatili ang mga langit at ang lupa upang tupukin sa apoy pagdating ng Araw ng Paghuhukom at pagpaparusa sa masasama. —2 Pedro 3:7

Magdurusa sila ng walang hanggang kapahamakan at mahihawalay sila sa Panginoon at sa dakila niyang kapangyarihan.

—2 Tesalonica 1:9

Sa daigdig ng mga patay doon sila matapos, pati ang lahat ng bansang nagtakwil sa Diyos. —Awit 9:17



“Sapagkat itinakda na niya ang araw ng paghuhukom sa sanlibutan, at ito’y buong katarungan niyang gagawin sa pamamagitan ng isang tao na kanyang hinirang. Pinatunayan niya ito sa lahat nang muli niyang binuhay ang taong iyon.” —Mga Gawa 17:31

Kaya, alam ng Panginoon kung paano ililigtas mula sa mga pagsubok ang mga tapat sa kanya, at kung paano paparusahan ang masasama hanggang sa araw na sila’y hatulan. —2 Pedro 2:9

...Sapagkat Lahat tayo’y harap sa hukuman ni Cristo at

tatanggap ng nararapat ayon sa ating mga gawang mabuti o masama, nang tayo’y nabubuhay pa sa katawang ito. —2 Corinto 5:10

Itinakda sa mga tao na minsan lamang mamatay at pagkatapos ay ang paghuhukom.

—Hebreo 9:27

Nakita kong nakatayo sa harap ng trono ang mga namatay, magiging dakila at hamak, at binuksan ang mga aklat. Binuksan ang isa pang aklat, ang aklat ng buhay. Hinatulan ang mga patay ayon sa kanilang ginawa, batay sa nakasulat sa mga aklat.

—Pahayag 20:12

24 **ANG KAGANDAHANG-LOOB NI CRISTO**

Hindi kaila sa inyo ang kagandahang-loob ng ating Panginoong Jesu-Cristo, na kahit na mayaman ay naging dukha upang maging mayaman kayo sa pamamagitan ng kanyang pagiging dukha. —2 Corinto 8:9

Subalit magkaiba ang dalawang ito dahil ang walang bayad na kaloob ng Diyos ay hindi katulad ng kasalanan ni Adan. Totoong maraming tao ang namatay dahil sa kasalanan ng isang tao. Ngunit ang kagandahang-loob ng Diyos ay mas dakila, gayundin

ang kanyang walang bayad na kaloob sa maraming tao sa pamamagitan ng kagandahang-loob ng isang tao, si Jesu-Cristo.

—Roma 5:15

Maliwanag kung gayon, na ang pasya ng Diyos ay nababatay sa kanyang habag, at hindi sa kagustuhan o pagsisikap ng tao.

—Roma 9:16

Nang magkaroon ng Kautusan, dumami ang pagsuway; ngunit sa pagdami naman ng mga pagsuway ay lalong sumagana ang kagandahang-loob ng Diyos.

—Roma 5:20

PAGTALIKOD SA KASALANAN

25

Sumagot si Pedro, “Pagsisihan ninyo’t talikuran ang inyong mga kasalanan at magpabautismo kayo sa pangalan ni Jesu-Cristo upang kayo’y patawarin; at tanggapin ninyo ang kaloob ng Espiritu Santo.”

—Mga Gawa 2:38

Sapagkat ang kalungkutang buhat sa Diyos ay nagbubunga ng pagsisisi at pagbabago tungo sa kaligtasan. Ngunit ang kalungkutang dulot ng mundo ay humahantong sa kamatayan.

—2 Corinto 7:10

“Hindi! Ngunit sinasabi ko sa inyo, malibang magsisi kayo’t ta-

likuran ang inyong mga kasalanan, mapapahamak din kayong tulad nila.” —Lucas 13:3

Ganito ang kanyang sinasabi, “Magsisi kayo at talikuran ang inyong mga kasalanan sapagkat malapit nang dumating ang kaharian ng langit!” —Mateo 3:2

“Sa mga nagdaang panahon ay pinalampas ng Diyos ang di pagkakilala sa kanya ng mga tao, ngunit ngayon ay iniuutos niya sa lahat ng tao sa bawat lugar na magsisi’t talikuran ang kanilang masamang pamumuhay.”

—Mga Gawa 17:30

Dapat nang talikuran ang mga gawain ng taong masama, at dapat magbago ng pag-iisip ang taong liko. Sila'y dapat manumbalik, at lumapit kay Yahweh upang kahabagan; at mula sa Diyos, makakamit nila ang kapatawaran. —Isaias 55:7

...Sa pamamagitan ni Jesus ay ipinangangaral sa inyo ang kapatawaran ng mga kasalanan. —Mga Gawa 13:38

“Sapagkat kung pinapatawad ninyo ang mga nagkakasala sa inyo, patatawarin din kayo ng in-

yong Ama na nasa langit.”

—Mateo 6:14

...“Ganito ang nasusulat: kina-kailangang magdu sa at mamatay ang Cristo; at pagkatapos, siya'y muling mabubuhay sa ikatlong araw. Sa kanyang pangalan, ang pagsisisi at kapatawaran ng mga kasalanan ay dapat ipangaral sa lahat ng mga bansa, magmula sa Jerusalem.” —Lucas 24:46, 47

Nang makita ni Jesus kung ga-ano kalaki ang kanilang pananampalataya, sinabi niya sa paralitiko, “Anak, pinatawad na ang mga kasalanan mo.” —Marcos 2:5

Ang mga bagay na panlangit ang isaisip ninyo, hindi ang mga bagay na panlupa. —Colosas 3:2

Sapagkat nahayag na ang kandahang-loob ng Diyos na nagdudulot ng kaligtasan sa lahat ng tao. Ito ang nagtuturo sa atin na talikuran ang makamundong pamumuhay at damdaming makalaman, at mamuhay tayo sa daigdig na ito nang may pagpipigil sa sarili, matuwid at karapat-dapat sa Diyos. —Tito 2:11, 12

Huwag ninyong ibigin ang sanlibutan o ang mga bagay na nasa sanlibutan. Ang umiibig sa san-

libutan ay hindi umiibig sa Ama. Ang lahat ng nasa sanlibutan, ang pagnanasa ng laman, ang pagnanasa ng mga mata, at ang pagmamalaki sa buhay na ito ay hindi nagmumula sa Ama kundi sa sanlibutan. —1 Juan 2:15, 16

Huwag kayong makibahagi sa mga gawain ng kadiliman na walang ibinubungang mabuti. Sa halip ay ibunyag ninyo ang mga iyon. —Efeso 5:11

Linisin ninyo ang inyong sarili at magbalik-loob sa akin; sa aking harapan, kasamaan ninyo'y inyong tigilan. —Isaias 1:16

Sumagot si Jesus, “Tandaan mo ang sinasabi kong ito: malibang ipanganak na muli ang isang tao, hindi niya makikita ang paghahari ng Diyos. Huwag kang magtaka sa sinabi ko sa iyo, ‘kayong lahat ay kailangang ipanganak na muli.’”
—Juan 3:3, 7

Kung alam ninyong si Cristo’y masunurin sa kalooban ng Diyos, dapat din ninyong malaman na ang bawat sumusunod sa kalooban ng Diyos ay anak ng Diyos. Alam nating ang mga anak ng Diyos ay hindi nagpapatuloy sa pagkakasala, sapagkat inii-

ngatan sila ng Anak ng Diyos, at hindi sila maaaring galawin ng diyablo.
—1 Juan 2:29; 5:18

Kaya’t kung nakipag-isa na kay Cristo ang isang tao, isa na siyang bagong nilalang. Wala na ang dati niyang pagkatao, sa halip, ito’y napalitan na ng bago.

—2 Corinto 5:17

Sapagkat muli kayong isinilang, hindi sa pamamagitan ng binhing nasisira, kundi sa pamamagitan ng buháy at walang kamatayang salita ng Diyos.

—1 Pedro 1:23



Noong una'y patay kayo dahil sa inyong mga pagsuway at mga kasalanan. Dahil sa ating pakikipag-isa kay Cristo Jesus, tayo'y muling binuhay na kasama niya upang mamunong kasama niya sa kalangitan. —Efeso 2:1, 6

Yamang binuhay kayong muli na kasama ni Cristo, itaon ninyo ang inyong pag-iisip sa mga bagay na nasa langit na kinaroroonan ni Cristo, na nakaupo sa kanan ng Diyos. Ang mga bagay na panlangit ang isaisip ninyo, hindi ang mga bagay na panlupa, sapagkat namatay na kayo at ang inyong buhay ay nakatago

sa Diyos, kasama ni Cristo.

—Colosas 3:1-3

Sa kanyang pagkamatay sa krus, pinasan niya ang ating mga kasalanan upang tayo'y mamatay na sa kasalanan at mamuhay nang ayon sa kalooban ng Diyos. Sa pamamagitan ng kanyang mga sugat, kayo'y pinagaling.

—1 Pedro 2:24

At ipinako na sa krus ng mga nakipag-isa kay Cristo Jesus ang kanilang laman at ang masasamang hilig nito. Kung binigyan tayo ng buhay ng Espiritu, mamuhay rin tayo ayon sa Espiritu.

—Galacia 5:24, 25

“Pakatandaan ninyo: ang nakinig sa aking salita at sumasampalataya sa nagsugo sa akin ay may buhay na walang hanggan. Hindi na siya hahatulan kundi nakatawid na siya sa buhay mula sa kamatayan.” —Juan 5:24.5

“At kung paanong itinaas ni Moises ang tansong ahas doon sa ilang, gayundin naman, kailangang itaas ang Anak ng Tao, upang ang sinumang sumampalataya sa kanya ay magkaroon ng buhay na walang hanggan.”
—Juan 3:14, 15

...Ang walang bayad na kaloob

ng Diyos ay buhay na walang hanggan sa pamamagitan ni Cristo Jesus na ating Panginoon.

—Roma 6:23

“Ang sumasampalataya sa Anak ay may buhay na walang hanggan....” —Juan 3:36

...Kanyang layunin at kagan-dahang-loob.... Ito’y nahayag na ngayon, nang dumating si Cristo Jesus na ating Tagapagligtas. Winakasan niya ang kapangyarihan ng kamatayan at inihayag ang buhay na walang hanggan sa pamamagitan ng Magandang Balita.

—2 Timoteo 1:9b, 10

KATIYAKAN TUNGKOL SA KALIGTASAN

31

Ang Espiritu ang nagpapatotoo, kasama ng ating espiritu, na tayo'y mga anak ng Diyos.

—Roma 8:16

At dahil kayo'y mga anak ng Diyos, isinugo niya ang Espiritu ng kanyang Anak sa ating mga puso, na tumatawag sa Diyos ng “Ama, Ama ko!” —Galacia 4:6

At ito ang patotoo: ipinagkaloob sa atin ng Diyos ang buhay na walang hanggan at ito'y makakamtan natin sa pamamagitan ng kanyang Anak. Kung ang Anak ng Diyos ay nasa isang tao, mayroon siyang buhay na walang hanggan; ngunit kung wala sa

kanya ang Anak ng Diyos ay wala siyang buhay na walang hanggan. Isinusulat ko ito sa inyo upang malaman ninyo na kayong sumasampalataya sa Anak ng Diyos ay may buhay na walang hanggan. —1 Juan 5:11-13

Nalalaman nating nananatili tayo sa Diyos at siya naman sa atin, sapagkat pinagkalooban niya tayo ng kanyang Espiritu.

—1 Juan 4:13

Nakakatiyak tayong nakikilala natin ang Diyos kung sinusunod natin ang kanyang mga utos.

—1 Juan 2:3

“Ngunit ngayon, ako’y papunta na sa iyo, at sinasabi ko ito habang ako’y nasa sanlibutan pa upang mapuspos sila ng aking kagalakan.” —Juan 17:13

“...Muli ko kayong makikita, at mag-uumapaw sa inyong puso ang kagalakang hindi maaagaw ninuman.” —Juan 16:22

“Sinabi ko sa inyo ang mga bagay na ito upang mapasainyo ang kagalakan ko at nang sa gayon ay malubos ang inyong kagalakan.” —Juan 15:11

Sapagkat ang paghahari ng Diyos ay hindi tungkol sa pag-

kain o inumin; ito ay tungkol sa matuwid na pamumuhay, kapayapaan, at kagalakan na ipinagkakaloob ng Espiritu Santo.

—Roma 14:17

Hindi ninyo siya nakita ngunit siya’y inibig ninyo. Hindi pa rin ninyo siya nakikita hanggang ngayon, ngunit sumasampalataya kayo sa kanya. Dahil dito’y nag-uumapaw na sa inyong puso ang kagalakang di kayang ilarawan sa salita. —1 Pedro 1:8

Malugod kayong sasalok ng tubig sa balon ng kaligtasan.”

—Isaias 12:3

KAILANGANG SUNDIN ANG PANGINOON 33

“Sa araw na ito, binibigyan ko kayo ng pamimilian: pagpapala o sumpa. Pagpapala kapag sinunod ninyo ang kanyang mga utos, ngunit sumpa kapag sumamba kayo sa ibang diyos sa halip na sumunod sa kanyang mga utos.”

—Deuteronomio 11:26-28

“Bakit ninyo ako tinatawag na ‘Panginoon, Panginoon,’ gayong hindi naman ninyo tinutupad ang sinasabi ko?” —Lucas 6:46

Hindi ba ninyo alam na kapag nagpasakop kayo sa sinumang

inyong sinusunod, kayo’y nagiging alipin nito, maging ito’y kasalanang hahantong sa kamataan, o ang pagsunod sa Diyos na hahantong sa pagiging matuwid? —Roma 6:16

Na may naglalagablab na apoy. Parurusahan ang lahat ng hindi kumikilala sa Diyos at hindi sumusunod sa Magandang Balita ng Panginoong Jesus. Magdurus sa sila ng walang hanggang kapahamakan at mahihiwalay sila sa Panginoon at sa dakila niyang kapangyarihan.

—2 Tesalonica 1:8-9

34 KAILANGANG IPAHAYAG SI CRISTO SA IBA

At ang lahat ay magpapahayag na si Jesu-Cristo ay Panginoon, sa ikaluluwalhati ng Diyos Ama.

—Filipos 2:11

“Ang sinumang kumilala sa akin sa harapan ng mga tao ay kikilalanin ko rin naman sa harapan ng aking Amang nasa langit. Ngunit ang sinumang ikaila ako sa harap ng mga tao ay ikakaila ko rin sa harap ng aking Amang nasa langit.” —Mateo 10:32, 33

Ang nagpapahayag na si Jesus ang Anak ng Diyos ay nananatili sa Diyos, at ang Diyos nama’y nananatili sa kanya. —1 Juan 4:15

Kung ipahahayag ng iyong bibig na si Jesus ay Panginoon at buong puso kang sasampalataya na siya’y muling binuhay ng Diyos, maliligtas ka. Sapagkat sumasampalataya ang tao sa pamamagitan ng kanyang puso at sa gayon ay itinuturing na matuwid ng Diyos. Nagpapahayag naman siya sa pamamagitan ng kanyang bibig at sa gayon ay naliligtas. —Roma 10:9, 10

Ang hindi kumikilala sa Anak ay hindi rin kumikilala sa Ama. Ang kumikilala sa Anak ay kumikilala rin sa Ama. —1 Juan 2:23

SI SATANAS ANG PANGUNAHING KAAWAY 35

Maging handa kayo at magbantay. Ang diyablo, ang kaaway ninyo, ay parang leong umuungal at aali-aligid na naghahanap ng malalapa. Labanan ninyo siya at magpakatatag kayo sa inyong pananampalataya sa Diyos....

—1 Pedro 5:8, 9

...Sa simula pa lang ay mamamatay-tao na siya. Hindi siya pumanig sa katotohanan kailanman, sapagkat walang puwang sa kanya ang katotohanan. ...Siya'y sinungaling, at siya ang ama ng kasinungalingan. —Juan 8:44

Bilang pagwawakas, magpakatibay kayo sa kalakasang galing sa Panginoon at sa kanyang dakilang kapangyarihan. Isuot ninyo ang buong kasuotang pandigma na kaloob ng Diyos, upang maglabanan ninyo ang mga pakana ng diyablo. —Efeso 6:10, 11

Ang sandata namin sa pakikipaglaban ay hindi makamundo, kundi ang kapangyarihan ng Diyos na nakakapagpabagsak ng mga kuta. Sinisira namin ang mga maling pangangatuwiran.

—2 Corinto 10:4

Dahil sa ang mga anak na tinutukoy niya ay tao, naging tao rin si Jesus at tulad nila'y may laman at dugo. Ginawa niya ito upang sa pamamagitan ng kanyang kamatayan ay mawasak niya ang diyablo na siyang may kapangyarihan sa kamatayan. —Hebreo 2:14

Ang nagpapatuloy sa pagkakasala ay kampon ng diyablo, sapagkat sa simula pa'y nagkakasala na ang diyablo. Kaya't naparito ang Anak ng Diyos upang wasakin ang mga gawa ng diyablo. —1 Juan 3:8

“Imumulat mo ang kanilang mga mata, ibabalik sila sa kali-

wanagan mula sa kadiliman, ililigtas sila sa kapangyarihan ni Satanias at ibabalik sa Diyos. At sa pamamagitan ng pananampalataya nila sa akin, sila'y patatawarin sa kanilang mga kasalanan at mabibigyan ng lugar kasama ng mga taong ginawang banal ng Diyos.” —Mga Gawa 26:18

Panahon na upang hatulan ang mundong ito. Panahon na rin upang hatulan ang pinuno ng mundong ito. —Juan 12:31

Kaya nga, pasakop kayo sa Diyos. Labanan ninyo ang diyablo at lalayuan niya kayo.

—Santiago 4:7

PAG-IBIG, KATIBAYAN NG PAGKAALAGAD 37

Makapagsalita man ako sa mga wika ng mga tao at ng mga anghel, kung wala naman akong pag-ibig, para lamang akong kampanang umaalingawngaw o pompiyang na maingay.

—1 Corinto 13:1

Subalit ang bunga ng Espiritu ay pag-ibig, kagalakan, kapayapaan, pagtitiyaga, kabaitan, kabutihan, katapatan, kahinahunan, at pagpipigil sa sarili....

—Galacia 5:22, 23

“Kung iniibig ninyo ako, tuparin ninyo ang aking mga utos.”

—Juan 14:15

Ang nagsasabing, “Iniibig ko

ang Diyos,” subalit napopoot naman sa kanyang kapatid ay sinungaling. Kung ang kapatid na kanyang nakikita ay hindi niya magawang ibigin, paano niya maiibig ang Diyos na hindi niya nakikita?

—1 Juan 4:20

“Kung kayo’y may pagmamahal sa isa’t isa, makikilala ng lahat na kayo’y mga alagad ko.”

—Juan 13:35

Nalalaman nating lumipat na tayo sa buhay mula sa kamatayan, sapagkat iniibig natin ang mga kapatid. Ang hindi umiibig ay nananatili sa kamatayan.

—1 Juan 3:14

38 ANG MULING PAGKABUHAY NI CRISTO

Maagang-maaga ng unang araw ng linggo, matapos na siya'y muling mabuhay, si Jesus ay unang nagpakita kay Maria Magdalena.



Pitong demonyo ang pinalayas ni Jesus mula sa kanya.

—Marcos 16:9

“Saksi kami sa lahat ng ginawa niya sa lupain ng mga Judio at sa Jerusalem. Siya'y pinatay nila; siya ay ipinako nila sa krus. Ngunit siya'y muling binuhay ng Diyos sa ikatlong araw at hinayaang ipakita ang sarili, hindi

sa lahat ng tao, kundi sa amin na mga pinili ng Diyos bilang mga saksi na nakasama niyang kumain at uminom pagkatapos na siya'y muling mabuhay.”

—Mga Gawa 10:39-41

...Si Cristo'y namatay dahil sa ating mga kasalanan, tulad ng sinasabi sa Kasulatan; inilibing siya at muling nabuhay sa ikatlong araw, tulad din ng sinasabi sa Kasulatan. —1 Corinto 15:3, 4

Siya'y ipinapatay dahil sa ating mga kasalanan at muling binuhay upang tayo'y mapawalang-sala.

—Roma 4:25

ANG PAG-ASA SA MULING PAGKABUHAY 39

“...Darating ang oras, at ngayon na nga, na maririnig ng mga patay ang tinig ng Anak ng Diyos at ang sinumang makinig sa kanya ay mabubuhay. Huwag ninyo itong pagtakhan, sapagkat darating ang oras na maririnig ng mga patay ang kanyang tinig at sila’y babangon. Lahat ng gumawa ng kabutihan ay babangon patungo sa buhay na walang hanggan, at lahat ng gumawa ng kasamaan ay babangon patungo sa kaparusahan.”

—Juan 5:25, 28, 29

Hindi ba ninyo alam na tayong lahat na nabautismuhan

kay Cristo Jesus ay nabautismuhan sa kanyang kamatayan? Samakatuwid, tayo’y namatay na at nalibing na kasama niya sa pamamagitan ng bautismo upang kung paanong binuhay muli si Cristo sa pamamagitan ng dakilang kapangyarihan ng Ama, tayo rin ay magkaroon ng panibagong buhay. Sapagkat kung nakasama tayo ni Cristo sa isang kamatayang katulad ng kanyang kamatayan, tiyak na tayo ay makakasama rin niya sa muling pagkabuhay na katulad ng kanyang muling pagkabuhay.

—Roma 6:3-5

40 ANG KAPUSPUSAN NG ESPIRITU SANTO

“Kayo ngang masasama ay marunong magbigay ng mabubuting kaloob sa inyong mga anak. Lalo na ang inyong Ama na nasa langit, na magbibigay ng Espiritu Santo sa mga humihingi sa kanya!”

—Lucas 11:13

“Subalit tatanggap kayo ng kapangyarihan pagbaba sa inyo ng Espiritu Santo, at kayo’y magiging mga saksi ko....”

—Mga Gawa 1:8

Pagkatapos nilang manalangin, nayanig ang kanilang pinagtiti-punan. Silang lahat ay napuspos ng Espiritu Santo at buong

tapang na nangaral ng salita ng Diyos.

—Mga Gawa 4:31

Bibigyan ko kayo ng aking Espiritu upang makalakad kayo ayon sa aking mga tuntunin at masunod ninyong mabuti ang aking mga utos.

—Ezekiel 36:27

Mabuting tao si Bernabe, puspos ng Espiritu Santo at ng pananampalataya sa Diyos....

—Mga Gawa 11:24

Huwag kayong maglalasing, sapagkat sisirain lamang niyan ang inyong buhay. Sa halip ay dapat kayong mapuspos ng Espiritu.

—Efeso 5:18

PAMUMUHAY NANG MAY KABANALAN 41

“...Tinulungan niya at pinalaya ang kanyang bayan...na ililigtas niya tayo sa ating mga kaaway, upang tayo’y makapaglingkod sa kanya nang walang takot, at maging banal at matuwid sa kanyang paningin habang tayo’y nabubuhay.” —Lucas 1:68, 74, 75

Purihin ang kanyang maluwalhating pangalan, sambahin si Yahweh sa banal na kaayusan.

—Awit 29:2

Mga minamahal, yamang ipinangako sa atin ang mga bagay na ito, alisin natin sa ating sarili ang lahat ng naka-

pagpaparumi sa ating katawan at sa ating espiritu. Sikapin nating mamuhay nang may ganap na kabanalan at paggalang sa Diyos.

—2 Corinto 7:1

Bago pa likhain ang sanlibutan ay pinili na niya tayo upang maging kanya sa pamamagitan ng ating pakikipag-isa kay Cristo at upang tayo’y maging banal at walang kapintasan sa harap niya....at ang dapat ninyong isuot ay ang bagong pagkatao na nilikhang kalarawan ng Diyos, at nahahayag sa matuwid at banal na pamumuhay ayon sa katotohanan.

—Efeso 1:4; 4:24

42 PAMUMUHAY NANG MAY KABANALAN

Kaya nga, mga kapatid, isa pang bagay ang ipinapakiusap namin at ipinapayo sa inyo sa pangalan ng Panginoong Jesus. Sana'y lalo pa ninyong pagbutihin ang inyong pamumuhay ngayon, sangayon sa inyong natutunan sa amin, upang kayo'y maging kalugud-lugod sa Diyos. Alam naman ninyo kung ano ang mga katurang ibinigay namin sa inyo buhat sa Panginoong Jesus. Kalooban ng Diyos na kayo'y maging banal at lumayo sa lahat ng uri ng kahalayan. Dapat maging banal at marangal ang pakikitungo ng bawat isa sa kanyang asawa.

Tayo'y tinawag ng Diyos upang mamuhay sa kabanalan, hindi sa kahalayan.

—1 Tesalonica 4:1-4, 7

Dahil ang Diyos na pumili sa inyo ay banal, dapat din kayong magpakabanal sa lahat ng inyong ginagawa, sapagkat nasusulat, “Magpakabanal kayo, sapagkat ako'y banal.” —1 Pedro 1:15, 16

Sikapin ninyong makasundo ang lahat, at magpakabanal sapagkat hindi ninyo makikita ang Panginoon kung hindi kayo mamumuhay nang ganito. —Hebreo 12:14

Tinutulungan niya, mga nagdurusa at di binibigo ang walang pag-asa. —Awit 34:18

Sa lahat ng bagay ako ang maylikha, kaya ako ang may-ari ng lahat ng ito. Ako'y nalulugod sa mga taong nagpapakumbaba at nagsisipagsisi, sa mga may takot at sa utos ko'y sumusunod.

—Isaias 66:2

Mga minamahal, huwag na kayong magtaka sa mabibigat na pagsubok na inyong dinaranas na para bang ito'y di pangkaraniwan. Sa halip, magalak kayo sa inyong pakikibahagi sa mga pag-

hihirap ni Cristo upang maging lubos ang inyong kagalakan kapag nahayag na ang kanyang kaluwalhatian. —1 Pedro 4:12, 13

“Kung may magagawa ako?” tanong ni Jesus. “Mangyayari ang lahat sa sinumang may panampalataya.” —Marcos 9:23

Ngunit higit sa lahat ay bigyang-halaga ninyo ang kaharian [ng Diyos] at ang pamumuhay nang ayon sa kanyang kalooban, at ibibigay niya sa inyo ang lahat ng mga bagay na ito.

—Mateo 6:33

44 MGA PANGAKO PARA SA MGA TINUTUKSO

At ngayo'y matutulungan niya ang mga tinutukso, sapagkat siya man ay tinukso at nagdusa.

—Hebreo 2:18

Ang taong matuwid, may suliranin man, sa tulong ni Yahweh, agad maiibsan.

—Awit 34:19

Alam nating sa lahat ng bagay ay gumagawa ang Diyos para sa mabuti kasama ang mga nagmamahal sa kanya, silang mga tinawag ayon sa kanyang layunin.

—Roma 8:28

Wala pang pagsubok na dumating sa inyo na hindi narara-

nasan ng ibang tao. Tapat ang Diyos, at hindi niya ipapahintulot na kayo'y subukin nang higit sa inyong makakaya. Sa halip, pagdating ng pagsubok, bibigyan niya kayo ng lakas upang makayanan ito at ng paraan upang malampasan ito.

—1 Corinto 10:13

Ang ating Pinakapunong Paring ito ay nakakaunawa sa ating mga kahinaan sapagkat tulad natin, tinukso siya sa lahat ng paraan, subalit kailanma'y hindi siya nagkasala.

—Hebreo 4:15

MGA PANGAKO SA NAGTATAGUMPAY

45

“Ito ang makakamtan ng magtatagumpay: ako’y magiging Diyos niya at siya nama’y magiging anak ko.”
—Pahayag 21:7

“Ang magtatagumpay ay dadamitan ng puti, at hindi ko kailanman buburahin sa aklat ng buhay....”
—Pahayag 3:5

“Ang magtatagumpay ay gagawin kong isang haligi sa templo ng aking Diyos, at hinding-hindi na siya lalabas doon. Isusulat ko sa kanya ang pangalan ng aking Diyos, at ang pangalan ng kanyang lungsod. Ito ang ba-

gong Jerusalem na bumababa mula sa langit buhat sa aking Diyos. Isusulat ko rin sa kanya ang aking bagong pangalan.”

—Pahayag 3:12

“Ang magtatagumpay ay bibigyan ko ng karapatang umupo na katabi ko sa aking trono, tulad ko na nagtagumpay at nakaupo ngayon katabi ng aking Ama sa kanyang trono.” —Pahayag 3:21

“Sa magtatagumpay at tutupad ng ipinapagawa ko hanggang wakas, ibibigay ko sa kanya ang pamamahala sa mga bansa.”

—Pahayag 2:26

46 ANG TURO NG DIYOS TUNGKOL SA DIBORSYO

Halimbawa, ayon sa Kautusan, ang isang babae ay nasasakop ng kanyang asawa habang nabubuhay ito. Subalit kung mamatay na ang lalaki, malaya na ang babae sa batas na nagtatali sa kanya sa lalaking iyon. Kaya nga, siya'y magkakasala ng pangangalunya kung makikisama siya sa ibang lalaki habang nabubuhay ang kanyang asawa. Ngunit kung patay na ang kanyang asawa, malaya na siya sa batas na iyon, at mag-asawa man siya sa ibang lalaki, hindi siya nagkakasala ng pangangalunya.

—Roma 7:2, 3

...Huwag makipaghiwalay ang babae sa kanyang asawa. Ngunit kung siya'y hihiwalay, manatili siyang walang asawa, o kaya'y muling makipagkasundo sa kanyang asawa. At huwag din namang hihiwalayan ng lalaki ang kanyang asawa....Ang babae ay nakatali sa kanyang asawa habang nabubuhay ito. Kapag namatay ang lalaki, ang babae ay malaya nang mag-asawa sa sinumang maibigan niya, ngunit dapat ay sa isa ring nananampalataya sa Panginoon.

—1 Corinto 7:10, 11, 39

“...Kapag naipaghanda ko na kayo ng matitirhan, ako’y babalik at isasama ko kayo upang kayo’y makapiling ko kung saan ako naroroon.” —Juan 14:3

“Pagkatapos, lilitaw sa langit ang tanda ng Anak ng Tao at mananangis ang lahat ng mga bansa sa daigdig. Makikita nila ang Anak ng Tao na nasa alapaap at dumarating na may dakilang kapangyarihan at kadakilaan.”

—Mateo 24:30

“Kapag ikinahiya ninyo ako at ang aking mga salita sa harap ng mga taksil at makasalanang mga tao sa panahong ito, ikakahiya

rin kayo ng Anak ng Tao pag-parito niya na taglay ang dakilang kapangyarihan ng kanyang Ama....” —Marcos 8:38

Mga minamahal, mga anak na tayo ng Diyos ngayon, ngunit hindi pa nahahayag ang magiging kalagayan natin. Ngunit alam nating sa pagdating ni Cristo, tayo’y magiging katulad niya, sapagkat makikita natin kung sino talaga siya. Kaya’t ang sinumang may ganitong pag-asa kay Cristo ay nagsisikap na maging malinis tulad niyang malinis.

—1 Juan 3:2, 3

48 ANG SALITA NG DIYOS

“Lilipas ang langit at ang lupa, ngunit ang aking mga salita ay hindi lilipas kailanman.”

—Lucas 21:33

Sapagkat ang pahayag ng mga propeta ay hindi nagmula sa kalooan lamang ng tao; ito’y galing sa Diyos at ipinahayag ng mga taong nasa ilalim ng kapangyarihan ng Espiritu Santo. —2 Pedro 1:21

Ang lahat ng Kasulatan ay kinasihang ng Diyos, at kapaki-pakinabang sa pagtuturo ng katotohanan, sa pagsaway sa kamalian, sa pagtutuwid sa likong gawain at sa pagsasanay para sa matuwid na pamumuhay. —2 Timoteo 3:16

MANALANGIN TAYO

“Ganito kayo mananalangin, ‘Ama naming nasa langit, sambahin nawa ang iyong pangalan. Dumating nawa ang iyong kaharian. Masunod nawa ang iyong kalooan dito sa lupa tulad ng sa langit. Bigyan mo kami ng aming pagkain sa araw-araw; at patawarin mo kami sa aming mga kasalanan, tulad ng pagpapatawad namin sa mga nagkakasala sa amin. At huwag mo kaming hayaang matukso, kundi iligtas mo kami sa Masama! [Sapagkat iyo ang kaharian, at ang kapangyarihan, at ang kaluwalhatian, magpakailanman! Amen.]’ ”

—Mateo 6:9-13

ANG PARAAN NG KALIGTASAN

Kailangan ko ang Kaligtasan

Sapagkat ang lahat ay nagkasa-la, at walang sinumang nakaabot sa kaluwalhatian ng Diyos.

—Roma 3:23

Namatay si Cristo para sa Akin

Sapagkat si Cristo na walang kasalanan ay namatay nang minsan para sa inyo na mga makasalanan, upang iharap kayo sa Diyos....

—1 Pedro 3:18

Kailangang Talikdan ang Sala

Kaya nga, magsisi kayo at magbalik-loob sa Diyos upang patawarin ang inyong mga kasalanan.

—Mga Gawa 3:19

Kailangan kong Magpasakop

Subalit ang lahat ng tumanggap at sumampalataya sa kanya ay binigyan niya ng karapatang maging mga anak ng Diyos.

—Juan 1:12

Matitiyak Nating Tayo'y Ligas

Kung ang Anak ng Diyos ay nasa isang tao, mayroon siyang buhay na walang hanggan....

—1 Juan 5:12

“Pakatandaan ninyo: ang nakinig sa aking salita at sumasampalataya sa nagsugo sa akin ay may buhay na walang hanggan. Hindi na siya hahatulan kundi nakatawid na siya sa buhay mula sa kamatayan.”

—Juan 5:24

Published in numerous languages by World Missionary Press, Inc., as God supplies funds in answer to prayer. **For questions or more information by country, visit: www.wmp-contacts.org**

World Missionary Press
PO Box 120
New Paris, IN 46553-0120 USA
www.wmpress.org



Read booklets online or by App
www.wmp-readonline.org